

Scolarizaziun cun sustegn

Betg tut ils uffants na sa sviluppan tuttina spert, e quai è dal tuttatafeg normal. I dat uffants ch'èn dependents d'in tschert sustegn per pudair cumenzar la scola cun success. Per els datti las suandantas pussaivladads:

Promoziun integrativa (pin-s) senza adattaziun da las finamiras d'instrucziun

Ils uffants cun pin-s entran en la 1. classa regulara e vegnan promovids durant intginas lecziuns d'ina pedagoga curativa. Quest sustegniment po avair lieu singul ni en gruppas pitschnas.

Promoziun integrativa (pin-c) cun adattaziun da las finamiras d'instrucziun

Tenor basegn da promoziun pon las finamiras d'emprender vegnir adattadas als basegns speziels - u al tempo d'emprender da l'uffant. Per adattar las finamiras d'instrucziun dovri ina proposta dal servetsch psicologic da scola.

La promoziun vegn discussiunada regularmain cun Vus. Uschia po quella vegnir adattada en cas da basegn.

Ultra da quai porschan las scolas terapias da logopedia e da psicomotorica sch'i fa da basegn.

Entrada anticipada en scola

En intgins cas èsi raschunaivel da scolarisar l'uffant anticipadamain gia suenter in onn scolina. Per quai sto el esser sviluppà uschè lunsch en uschè blers secturs sco pussaivel da la prontadad da scola, ch'el sa en il mintgadi da scola star bain a pèr cun uffants ch'èn fin in onn pli vegls.

Da noss scleriment resulta in maletg che mussa, sche l'uffant posseda in avantatg da svilup e sch'el vegn ad esser a l'autezza da las pretensiuns da scola.

Per ina scolarizaziun anticipada dovri in rapport cun ina recumandaziun dal servetsch psicologic da scola.

Terz onn scolina

In terz onn scolina po esser raschunaivel, sch'ins suppona che l'uffant madiria anc en ses svilup u sch'el dovra anc temp per in sustegniment special.

Da la scolina en scola



Per in cumenzament da scola cun success

Servetsch psicologic da scola dal chantun Grischun


Uffizi per la scola populara ed il sport
www.avs.gr.ch

Stimads geniturs!

L'entrada en scola è ina midada impurtanta en la vita da l'uffant e da sia famiglia. En blers cas è in uffant suenter il 2. onn scolina pront per quella midada e s'allegra sin l'entrada en scola.

La prontadad d'emprender per la scola sa sviluppa automaticamain enturn la vegliadetgna da 7 onns. I po dentant er esser che Vus sco geniturs u er la persuna d'instrucziun da scolina avais anc dumondas avertas areguard la prontadad da scola da l'uffant. En quest cas pudais Vus As infurmar ed As laschar cussegljar tar il post regional da cussegliaziun da scola e d'educaziun, per che Vus possias decider cun responsabladad davart la scolarisaziun da Voss uffant.

Nus lain che Voss uffant possia cumenzar la scola senza quitads e possia emprender cun success, senza tensiun e tema.



Tge characterisescha la prontadad da scola?

Davart la prontadad da scola na decida betg mo in indizi. Suandants secturs vegnan integrads en il giudicament da la prontadad da scola:

- ❖ **Svilup cognitiv:** Sa l'uffant s'exprimer en moda chapaivla? Sa el tegnair endament e reproducir chanzuns, versets ed istorgias? Co tracta el massas e dumbers?
- ❖ **Svilup corporal:** Sa l'uffant controllar, diriger e coordinar ses moviments? Co dovra el colurs e forsch?
- ❖ **Cumportament social:** Co sa cumporta l'uffant en ina gruppa? Co schlia el conflicts? Co concepescha el ses contacts?
- ❖ **Svilup emoziunal:** È l'uffant independent, sa el sa statgar da la chasa dals geniturs? Ha l'uffant confidenza en las atgnas abilitads?
- ❖ **Cumportament d'emprender e da lavurar:** Ha l'uffant interess vi da l'urden da scola? Mussa el ina tscherta perseveranza tar occupaziuns datiers a la scola?

Tge fa il servetsch psicologic da scola?

Il servetsch psicologic è in post spezialisà independent, che cussegla ils geniturs tranter auter er tar dumondas da la scolarisaziun. Las cussegliastras ed ils cusseglia-ders da scola e d'educaziun han enconuschientschas areguard il svilup ed areguard la promoziun uffantila sco er areguard las pretensiuns che vegnan tschentadas als uffants tar l'entrada en scola.

Nus faschain differents pensums cun Voss uffant che ans pussibiliteschan da constatar sias fermezzas e sias difficultads, sias abilitads linguisticas e sia chapientscha da dumbers, sias prestaziuns da memoria, ses cumportament da lavurar e.u.v.

Sper quests resultats integrain nus en nossa cussegliaziun sa chapescha er las observaziuns ed ils puncts da vista da Vus, da la scolina ed eventualmain er d'autras persunas da referiment. Sin fundament da questa survista As sustegnain ed As accompagnain nus tar Voss process da decisiun.

En cunvegnientscha cun Vus po il servetsch psicologic da scola trametter in rapport correspondent al cussegl da scola.